

Analisis sector maritimo na Aruba

A realisa rapport 'Maritieme Toekomst van Aruba'

ORANJESTAD -- Cu desaroyonan tumando luga den nos region y specialmente cu e ampliacion di Panama Canal, e sector maritimo na Aruba tambe lo por hunga un rol importante den e desaroyo economico di nos isla.

Den cuadro di esaki a mira e importancia di realisa un estudio especificamente enfoca riba e parti aki. Directie Scheepvaart ta realisando diferente trabounan y estudionan durante ultimo añanan. Un di e estudionan aki cu a wordo finalisa recientemente ta e rapport 'Maritieme Toekomst van Aruba.'

E rapport ta mostra kico tur por wordo haci adicional den nos awanan teritorial pa contribui na economia di nos isla. E estudio a wordo realisa pa Hulanda y financia pa FDA. Tambe a conta cu un comision di guia na Aruba cu a wordo conforma pa APA, ATIA, CBS y Departamento

di Asuntonan Economico, presidencia pa economista Ben Marapin.

Dialuna atardi na e ballroom di Alhambra a tuma luga e presentacion di e rapport 'Maritieme Toekomst van Aruba.'

Esaki a wordo organisa door di Minister di Transporte, Otmar Oduber, conhuntamente cu Directie Scheepvaart pa asina presenta e informacion di e rapport na e diferente entidadnan concerni como tambe na parlamentarijonan presente.

Inspectie Leefomgeving en Transport di Ministerio di Infrastructura y Medio Ambiente di Hulanda riba peticion di Directie Scheepvaart a realisa e estudio amplio y di manera independiente. E estudio aki tabata tin como meta pa haya mas nocion di e importancia economico di e sector maritimo di Aruba y a wordo encabesa pa Jaap de

Boer, realisa den cuadro di e Twinningproject, 'Versterking Maritieme Administratie van Aruba.'

Directie Scheepvaart a acerca Hulanda via e 'Twinning Project' y un experto a bin Aruba pa haci e estudio. E experto a traha hunto cu e comision y finalmente a identifica aproximadamente 20 proyecto cu lo por wordo analisa mas den profundidad y desaroya esakinan.

Awanan di nos isla

Aruba ta situa den awanan cu tin hopi transito. E awanan na zuid west di nos isla ta wordo uza dor di varios embarcacion pa staciona ora nan wordo poni den posesion pa warda instrucionnan, pa trabounan di mantencion of pa realisa operacionnan di transporta carga di un barco pa e otro.

Tin diferente factor cu ta haci di nos awanan un bon luga pa staciona e barconan, manera



entre otro, tempo bon y stabil, un coriente continuo, biento continuo, nos ta ubica pafo di e zona di horcan y awanan cu no mucho hundo. Desde cu Haven- en redever-ordening a drenta na vigor entrante dia prome di maart, e teritorionan aki, a wordo

delinea como redenan.

E paso sigur y lihe di tanto 'scheepvaart' como e transportacion di biennan y personanan riba lama for di Aruba y pa Aruba ta depende di e bon funcionamiento di e sector maritimo na nos isla. □